

Publicaziuns officialas dils 21 da november 2025

Vischnaunca Trun

Votaziun federala, cantunala e communal

L'urna principala en canzlia communal ei aviarta sco suonda:

Gievgia, ils 27-11-2025, 09.30–11.30, 15.30–17.30

Venderdis, ils 28-11-2025, 09.30–11.30, 15.30–17.00

Dumengia, ils 30-11-2025, 09.00–10.30

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton il pli tard entochen venderdis, ils 28 da november 2025 allas 17.00 tier l'administraziun communal (tel. 081 920 20 40).

Levgiament da votar Mintga votant/a ha la pusseivladad da dar giu sia vusch a scret. En gliez mument sto el/la observar il suandont:

1. Emplenir ora ils cedels da votaramaun e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (gratuitamein) ni directamein fierer en la scaffa da brevs dalla canzlia communal.

Ils cedels da votar ston esser il pli tard la dumengia, ils 30 da november 2025 allas 10.30 tier l'administraziun communal. Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Damondas da baghegiar

Datum da publicaziun: 21-11-2025

Petent: Flurin Decurtins Via Fraissens 12 7166 Trun

Object: Damonda posteriura per l'engrondaziun dil mir da sustegn sin las parcellas 2732 e 3051 a Trun

Zona: Zona da mistregn (Mi)

Datum da publicaziun: 21-11-2025

Petent: Sacha Greiner Haldenrainweg 5, 4448 Läuelfingen

Representanza: Spacial Design, Patrick Rothmund Via Principala 67 7166 Trun

Object: Sanaziun dalla casa d'ina famiglia sin parcella 1459 a Pustget.

Zona: Zona dil Vitg (V)

Protestas:

Ilis plans ein deponi en canzlia communal. L'investa publica cuoza 20 dis dapi il datum da publicaziun. Pro²testas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Sera da film e cudisch 600 onns Ligia Grischa

Sonda, ils 22-11-2025 allas 19.00 uras el center communal

Program

19.00 Beinvegni
19.15 Film part 1
20.00 Pausa
20.30 Presentaziun dil cudisch
20.45 Film part 2
21.30 Fin
21.35 Aperitiv en sala da cultura

La suprastanza communal envida cordialmein l'entira populaziun sco era tuttas gidontras e tuts gidonters dallas differentas occurrenzas. Avertura dallas portas naven dallas 18.30.

Suprastanza communal Trun e gruppa da lavur «Sut igl Ischi 2024»

Serrada dalla deponia da cumpostar Ogn

Preziadas convischinas Preziai convischins

La deponia da cumpostar Ogn vegn serrada naven da sonda, ils 22 da november 2025 allas 16.00 uras. La deponia resta serrada durant il temps d'unviern.

Suprastanza communal Trun

Radunonza da vischnaunca

gliendisdis, ils 01-12-2025 allas 19.30 uras ell'aula dalla casa da scola

Tractandas:

1. Avertura ed elecziun da 2 dumbravuschs
2. Protocol dalla radunonza communal dils 02-12-2024
3. Preventiv per igl onn 2026
4. Fixaziun dil pei da taglia per igl onn 2026
5. Crossiety – la tabla nera digitala
6. Varia

Dils divers acts e dil protocol sa vegnir priu investa tier l'administraziun communal. Dil preventiv sa ulteriuramein vegnir priu investa sin nossa pagina d'internet www.trun.ch

Suprastanza communal Trun

Apparats d'udida

Gliendisdis, igl 1. da december 2025 saveis Vus schar schubergiar e rugalar Vies apparat d'udida: 09:15-10:30 en Casa sogn Martin a Trun 11:00-11:45 en Casa sogn Giusep a Cumpadials 13:15-14:30 el PUNTREIS, Center da sanadad a Mustér Dunna Giger dalla firma Amplifon AG e signur Gfeller dalla firma Jäggi Optik & Hörberatung AG sorprendan communablamein quei survetsch gratuit per tuts interessents. Ei drova negina annunzia.

Casa Depuoz

Bazar pign Nies «barzar pign» sesanfla en nossa casa da curtin ed ei aviarts sco suandont: **venderdis, ils 28-11-2025** las 15.00–18.00 cun suppa e ligiongia

dumengia, ils 30-11-2025 las 13.00–17.00 cun stiva da caffè e trer candeilas cussadentas e cussadents sco era conluvreras e conluvrers selegran sin Vossa viseta *Casa Depuoz*

unser «barzar pign» befindet sich in unserem Gartenhäuschen und ist wie folgt offen:

Freitag, 28.11.2025, 15.00–18.00 Uhr mit Suppe und Wurst

Sonntag, 30.11.2025, 13.00–17.00 Uhr mit Kaffeestube im Speisesaal und Kerzen ziehen Wir freuen uns auf Ihren Besuch *Casa Depuoz*

Uniun da giuventetgna Trun

Sontgaclau a Trun Prezias geniturs, cars affons. Il temps varga e la viseta da Sontgaclau savischina. **Sonda ils 6 da december 2025** visetel jeu cun grond plascher vus en vies dacasa. Per che jeu sappi organisar las visetas ellas casadas, supplicheschel da s'annunziar entochen ils 29 da november 2025 sin president@giuventetgnatrun.ch Jeu selegrel sin ina biala sentupada!

Club da skis Schlans

Invitaziun alla radunonza generala, sonda ils 29 da november 2025 allas 20.00 uras ella Sentupada, casa per la vendita a Schlans. La suprastanza envida vus suenter bugen ad in pign puschegn.

La suprastanza

Uniun da dunnas Trun/Zignau

Finiastras d'advent 2025

Ei fa grond plascher che 24 finiastras sclareschan era uonn nossa vischnaunca durant il temps d'advent. Nus engraziein cordialmein a tut ils participonts e selegrein sin vossas creaziuns:

1. Atelier Schmidt, Via Fabrica 17
2. Larissa Dietrich, Via Plaunca 2
3. Deborah Wanner, Via Splecs 13, cun aperitiv 17:30
4. Silvana Stagliano, Via Dulezi 15

5. Lucia Janka, Via Sogn Martin 8
6. Anita Orlik, Via Capeter 5, Zignau
7. Catrina Arpagaus, Via Capeter 33, Zignau, cun aperitiv 17:30
8. Cornelia Lehmann, Via Dulezi 12
9. Casa s. Martin, Via Sogn Martin 17, cun aperitiv 16:30
10. Gabriela Tambornino, Via Dual 17
11. Mäggie e Renato Della Valle, Via Fabrica 10
12. Ricarda Tuor, Via Fraissens 2
13. Regina Maissen, Via Sogn Martin 22, cun aperitiv 17:30
14. Anna Maria Cavigelli, Via Dual 15
15. Ramona Petschen, Via Ligniu 1
16. Silvana Menzli, Via Plaunca 1, cun aperitiv 17:30
17. Stephan Sulzered Aurelius Venzin, Via Sogn Martin 6
18. Consorzi da scola Sumvitg-Trun, 2. superiura, Via Principala 40
19. Michelle Hediger I Via Principala 73
20. Catrina Livers I Via Rensch 9 I cun aperitiv 17:30
21. Annatina Lombriser I Via Sogn Giusep 7, Darvella
22. Franzisca Tambornino, Via Sum il Vitg 1, cun aperitiv 17:30
23. Stanka e Renato Cabernard, Lumneins 19
24. Andrina Spescha, Via Fabrica 8

Las decoraziuns ein illuminadas (17:30-21:00) mintgamai la sera naven dil datum nudaus entochen Buania. Sonda, ils 3 da schaner ein tuts e tuttas convischins/as envidai per far ensemen ina spassegiada ed admirar las finiastras da glina pleina. Liug da partenza: 19:00 avon la canzlia a Trun.

Uniun da dunnas Trun/Zignau

Evang.-Ref. Kirchgemeinde Cadi

Ordentliche Kirchgemeindeversammlung
Siehe unter Disentis/Mustér!